

管子書目錄

種變

時食

制居

化治

錢眼

鎖星

漆梯

車

國家圖書館 NATIONAL CENTRAL LIBRARY, TAIWAN, R.O.C.



卷之三

目錄

禱祈

戎治

目錄終



國家圖書館, NATIONAL CENTRAL LIBRARY, TAIWAN, R.O.C.

蠶書

夷門廣牘七十六卷

宋 秦觀 少游 著

明 周履靖 校正

予閑居婦善蠶從婦論蠶作蠶書

考之禹貢揚梁幽雍不貢繭物充篚織文徐篚
玄纈續青篚底纁域緝豫篚織續青篚縠絲皆
繭物也而桑土既蠶獨言於充然則九州蠶事
充爲最乎予游濟河之間見蠶者豫事時作一
婦不蠶比屋詈之故知充人可爲蠶師今予所

書有與吳中蠶家不同者皆得充人也

種變

臘之日聚蠶種沃以牛溲浴于川毋傷其籍迺縣之始審卧之五日色青六日白七日蠶已蠶尚卧不傷

時食

蠶生明日桑或柘葉風戾以食之寸二十分晝夜五食九日不食一日一夜謂之初眠又七日再眠如初既食葉寸十分晝食又七日三

眠如再又七日若五日不食二日謂之大眠食半葉晝夜八食又三日健食乃食全葉晝夜十食不三日遂繭凡眠已初食布葉勿擲七則蠶驚毋食二葉

制居

制居者制之器以居乎蠶也故制居爲要乃作制居種變方尺及乎將繭乃方四丈織萑葦範以蒼葺竹長七尺廣五尺以爲筐建四木宮梁之以爲槌縣筐中間九寸凡槌十縣以居食蠶

時分其居糞其葉餘以時去之萑葉爲籬勿密
屈藁之長二尺者自後茨之爲簇以居繭蠶凡
繭七日而採之居蠶欲溫居繭欲涼故以萑鋪
繭寒之以風以綉蛾變

化治

常令煮繭之鼎湯如蟹眼必以筋其緒附于先
引謂之餵頭毋過三系則系麤不及則脆其審
舉之凡系自鼎道錢眼升於鑰星星應車動以
過添梯至於車

錢眼

爲版長過鼎面廣三寸厚九黍中其厚插大錢
一出其端橫鼎耳後鎮以石緒總錢眼而上謂
之錢眼

鑰星

爲三蘆管管長四寸樞以圓木建兩竹夾鼎耳
縛樞於竹中管之轉以車下直錢眼謂之鑰星

添梯

車之左端置環繩其前尺有五寸當車牀左足

之上建柄長寸有半，匠柄爲鼓，生其寅以受環繩。應車運如環，無端鼓，因以旋鼓上爲魚。魚半出鼓，其出之中建柄半寸，上承漆梯，漆梯者二尺五寸片竹也。其上揉竹爲鈎，以防絲竅。左端以應柄對鼓爲耳，方其穿以閑，漆梯故車運以牽環繩。簇鼓，鼓以舞魚，振漆梯，故絲不過偏。

車

制車如轆轤，必活其兩輻以利。斲

禱神

卧種之日，升香以禱天。駟先蠶也，割雞設醴以禱婦人。寓氏公主，蓋蠶神也。毋治堰，毋誅草，毋沃灰，毋室入，外人四者，神實惡之。

戎治

唐史載于闐初，無桑，丐鄰國不肯出，其王卽求置婚許之。將迎，乃告曰：國無帛，可持蠶自爲衣。女聞置蠶，帽絮中，閑守不敢驗。自是始有蠶。女刻石約無殺蠶，蛾飛盡乃得治。繭言蠶爲衣，則

治繭可爲絲矣世傳繭之未蛾而竅者不可爲
絲頃見鄰家誤以竅繭雜全繭治之皆成絲焉
疑蛾蛻之繭也欲以爲絲而其中空不復可治
嗚呼世有知于閨治絲法者肯以教人則貸蠶
之死可勝計哉予作蠶書哀蠶有功而不免故
錄唐史所載以俟博物者

蠶書終